

ringikitanga katoa: e whakaaturia nei taua whenua e te mapi kua maakatia ki te S.G. 55758/5, kua oti te whakatakoto ki roto ki te Tino Tari Whakahaere i nga Whenua me nga Ruuri, i Poneke, he whero nga taha o te mapi.

He mea tuku i raro i te ringa o His Excellency the Right Honourable William Lee, Baron Plunket, Knight Commander of the Most Distinguished Order of Saint Michael and Saint George, Knight Commander of the Royal Victorian Order, te Kawana me te Tino Kaitiaki o te Koroni o Niu Tirenī me nga Moutere kei raro i tona mana; he mea whakaputa i raro i te Hiiri o taua Koroni, i te Whare o te Kawana, i Poneke, i tenei te rua-tekau-ma-tahi o nga ra o Hepetema, i te tau o to tatou Ariki kotahi mano e iwa rau ma ono.

ROBERT McNAB,  
Minita mo nga Whenua.

E TE ATUA TOHUNGIA TE KINGI!

Whakaatu kua tau he Whenua ki te Poari Whenua Maori o Te Tai-Rawhiti i raro i nga tikanga o "Te Ture Whakanohonoho Whenua Maori, 1905,"

PLUNKET, Kawana.

OTA A TE KAUNIHERA.

I te Whare o te Kawana, i Poneke, i tenei te rua-tekau-ma-wha o nga ra o Hepetema, 1906.

Tu ana i reira:

KO HIS EXCELLENBY TE KAWANA HEI TUMUAKI O TE KAUNIHERA I TAUA RA.

NOTEMEA i raro i nga tikanga o tekiona waru o "Te Ture Whakanohonoho Whenua Maori, 1905," kua meinga hei Ture, ko nga whenua i roto i te Takiwa Whenua Maori o Te Tai-Rawhiti, e whakaarohia ana e te Minita mo nga Mea Maori, kaore e rite ana kaore ranei e pai ana hei nohoanga mo nga Maori no ratou, ka ahei te Kawana i runga i tana Ota Kaunihera ki te whakaatu kua tau te whenua pera ki te Poari hei *estate in fee-simple in possession* (ara me riro i a ia te mana tuturu me te taitara o te whenua), i raro ano i nga taumahatanga i nga riana, me nga take tika katoa e pa ana ki taua whenua, kia puritia kia whakahaerea e te Poari hei painga mo nga Maori no ratou taua whenua i runga i nga tikanga o taua Ture:

A notemea he whenua kei roto i taua takiwa nga whenua e mau nei te whakaaturanga i roto i te Kupu Apiti ki tenei; a e whakaarohia ana e te Minita mo nga Mea Maori kaore e rite ana, kaore ranei e pai ana hei nohoanga mo nga Maori no ratou aua whenua:

Na reira, tenei His Excellency te Kawana o te Koroni o Niu Tirenī, i runga i tana whakahaerenga i nga mana kua whakataua nei ki runga ki a ia e taua Ture, kua whakahuatia ra, i runga hoki i te kupu tohutohu, kupu whakaae hoki a te Kaunihera Whiriwhiri o taua koroni, ka ki nei kua tau aua whenua ki te Poari Whenua Maori o Te Tai-Rawhiti hei *estate in fee-simple in possession* (ara me riro i a ia te mana tuturu me te taitara o te whenua) i raro i nga taumahatanga, i nga riana, me nga take tika katoa e pa ana ki aua whenua, kia puritia kia whakahaerea e taua Poari hei painga mo nga Maori no ratou aua whenua i runga i nga tikanga o taua Ture.

KUPU APITI.

Nga Ingoa o nga Poraka.	Nga Eka.	Te Takiwa.	Nga Taitara.
Kopua A .. .. .	74 nga eka ..	Poraka XI, Takiwa Ruuri o Clyde, i roto i te Takiwa Whenua o Haaki Pei	He ota a te Kooti Whenua Maori, i runga i te whakawakanga o te taitara, he mea tuhi i te 29 o nga ra o Oketopa, 1904.
Kopua B .. .. .	68 nga eka ..		
Kopua C .. .. .	309 nga eka ..		
Kopua D .. .. .	40 nga eka ..		

ALEX. WILLIS,  
Kai-tuhituhi o te Kaunihera.

Kapenga whenua kia kua e pangia e nga tikanga o Tekiona 117 o "Te Ture Kooti Whenua Maori, 1894."

PLUNKET, Kawana.

OTA A TE KAUNIHERA.

I te Whare o te Kawana, i Poneke, i tenei te rua-tekau-ma-wha o nga ra o Hepetema, 1906.

Tu ana i reira:

KO HIS EXCELLENBY TE KAWANA HEI TUMUAKI O TE KAUNIHERA I TAUA RA.

NOTEMEA i raro i nga tikanga o tekiona wha o "Te Ture Whakatikatika i nga Ture Whenua Maori, 1895," kua meinga hei Ture, ka ahei te Kawana i runga i te Ota a tona Kaunihera, ki te kape atu kia kua e pangia e nga tikanga o te tekiona tahi rau tahi tekau ma whitu o "Te Ture Kooti Whenua Maori, 1894" (ka huaina i raro nei ko "taua Ture"), mo tetahi wa poto, wa roa ranei, i runga ano i nga ritenga me nga tikanga me nga here e ata whakaaturia ana i roto i taua ota, tetahi whenua, tetahi paanga, whai taketanga ranei ahakoa kei hea e takoto ana, e ekengia ana e te mana o taua tekiona; a ka ahei hoki ia ki te kape pera atu i tetahi whenua mo te taha anake ki te tangata kei a ia e rihi ana taua whenua, mo tetahi atu tangata ranei e noho whai-tikanga ana i runga i tetahi whenua kua whakapaia e ia, kua utua ranei e ia he moni ki nga tangata Maori no ratou taua whenua hei rihi hei hoko ranei i taua whenua i mua atu i te mananga o taua Ture: Engari kua te Ota a te Kaunihera i whakaputaina i raro i nga tikanga o tenei tekiona, e whai mana kia pau ra ano nga marama e rua i muri iho i te ra i panuitia ai i roto i te *Gazette*: Engari hoki ko ia tuku i mahia i whakaotia ranei i raro i nga tikanga o tenei tekiona me ata whakamana e te Kooti i raro i nga tikanga o te rima-tekau-ma-toru o nga tekiona o taua Ture:

A notemea kua puta te kupu a te Kaunihera Takiwa Whenua Maori o Aotea, i te rua-tekau-ma-whitu o nga ra o Maehe, kotahi mano e iwa rau ma ono, i tas mai nei i te tekau o nga ra o Mei, kotahi mano e iwa rau ma ono, whakaatu mai ki te Kawana, he mea pai kia kape katoa tera pihi whenua, tona nui e toru rau e wha-tekau-ma-ono nga eka e toru nga ruuri, nui ake iti iho ranei, ara ko te whenua e mohiotia nei ko Kai-Iwi 5c Nama 2, kia kua e pangia e nga tikanga o te tekiona kotahi rau tahi tekau-ma-whitu o "Te Ture Kooti Whenua Maori, 1894," he mea kia taea ai taua poraka te mokeke:

Na reira, tenei His Excellency te Kawana o te Koroni o Niu Tirenī, i runga i tana whakahaerenga i nga mana kua whakataua nei ki runga ki a ia e tekiona wha o "Te Ture Whakatikatika i nga Ture Whenua Maori, 1895," i runga hoki i te kupu tohutohu, kupu whakaae hoki a te Kaunihera Whiriwhiri o taua koroni, ka kape nei kia kua ai e tau nga tikanga o tekiona tahi rau tahi tekau-ma-whitu o "Te Ture Kooti Whenua Maori, 1894," ki runga ki katoa tera pihi whenua ranei, kei roto i te Takiwa Porowhiti o Poneke e takoto ana, tona nui o toru rau e wha-tekau-ma-ono nga eka e toru nga ruuri, nui ake iti iho ranei, ara ko te whenua e mohiotia nei ko Kai-Iwi 5c Nama 2, koinei te whenua e mau nei te whakaaturanga i roto i te ota wehewehe o te Kooti Whenua Maori, i whakaputaina i te tekau o nga ra o Mei, kotahi mano e iwa rau-ma-wha, ki a Ratana te Urumingi rau ko Te Wharepouri, he mea kia taea ai taua whenua te mokeke.

ALEX. WILLIS,  
Kai-tuhituhi o te Kaunihera Whiriwhiri